

2. VOM EVANGELISCHEN GEMEINDEABEND

SAARBRÜCKEN UND ST. JOHANN, EIN ZWIEGESPRACH

Von E. Soiné.

Jettchen: Dach, Dorche, ei, wo gehsch' dann hin?
Wie frei ich mich, daß ich dich sieh'n.
Na Dorche, saa, wie geht's dr dann?
Ihr wohne noch in Sang-Gehann?

Dorchen: Jo, jo, de wäescht, daß vor der Stadt
Mei Vadder Haus un Gaarde hat,
Un wann's wie jetz ufs Frijohr geht
Do gebbt's ze duhn vun frieh bis spät!
Un Jettche, saa, wie geht's dann dir?
Aa viel ze schaffe un wennig Pläsir?

Jettchen: Bei meiner Großmutter sinn ich jetz,
Die Fraa hat sich zur Ruh gesetzt,
Hat sich ihr Lebbaa viel gequält,
Mir lache als, wann se's verzählt.
Wie die so jung war wie mir heit,
Jo, jo, daß war e anner Zeit!
Die hann gewäscht un hann genäht
Un hann gegrabt un hann gesät,
Un hann am Spinnrad noch gespunn,
Sin ufgestann schun mit der Sunn,
Oft frieh ins Feld vor Dau und Dag
Un hemmkumm erscht, wanns Owend war!
Wie war Saarbricke domols klään!
Dort gings nur bis ans Neigelänn,
Un wo's no Daarle geht do unne

Dorchen: War nur ään Haus am Wallerbrunne!
Was saaf se dann vun Sang-Gehann?